

趙縵堂詩初集

下

PL
2718
.I24
1931
v.3

JUN 5 - 2001

EAST ASIAN STUDIES

越縵堂詩初集第九卷

清

會稽

李慈銘

悉伯

白華絳拊閣詩王

古今體八十六首

行藥獨步山後至王公池古西園也

以下已

已

病暍久不出門前秋草長循巷覓微徑宿雨猶霑
 裳臥龍何宗宗山下多白楊緬昔西園盛穿池疎
 芳塘盈盈采蓮枝蘭舟曜紅妝向晚笙歌發燈燭
 彌崇岡盛衰理難恃積垣生枯桑時會惜易逝愚
 者昧其常我來亦暫爾乍晴忻微陽接日適有會
 何地非濠梁搖搖稻田葉風來自生香穡事豈不
 懷情耕媿邨忙晡遠山夕餘映開秋光城郭互

虧蔽萬態攝紫蒼平野氣漸斂薄雲導微涼羣飛
亂精列悲鳴感蜚蠊元化急遷遞志士情以傷曳
杖闔扉入擁樹吟清商

己巳暮秋偕仁和陳藍洲秀才

豪

錢唐張子

虞孝廉

預

游靈隱寺遂登韜光絕頂二首

錢唐富山水茲峯最稱奇自入春淙亭夾道吹林
漪傾崖翠若溜空岫雲常飛丹紫倏萬變嶽崎窮
千姿我來已秋暮蒼鮮如春時喬柯接層嶂隙葉
穿晴曦選勝結茲寺山門涵清暉倚闌澹相對目
眩神屢移漸覺泉瀉磴時聞猿度枝嵐影墮空砌
落葉相參差

入寺穿徑行言取弢光頂路曲循修林磴仄拒晝

景時見飛泉光倒瀉松竹影雲深轉益奇嶂削抱
逾靚丹梯有時窮招提絕人境幽森得茲曠鐘磬
上方靜危巖倚虛亭飛鳥不敢逞遠帶江海流窺
然出諸嶺天光淡無際收以一窗迴隱隱潮聲來
烟中度漁艇

初冬攜舟至平水谿口由望仙橋入寶嚴寺
夜宿澄公房二首

扁舟出東郭沿緣耶谿間水盡白雲起遂入雲門
山紅樹疊青嶂明妝耀螺鬟遠近含層霞深淺分
寒烟峯陡勢欲落飛翠忽復連曲澗蔭幽篠魚鳥
媚我前時逢采樵侶踏葉相往還山迴寺門出夕
陽終古閒

雲門外六院茲地據丹麓入門仍見山古蘚一庭
綠松陰點雙旛經壇散爐馥龕石棲寒花廚烟出
深竹頗憶湛然師塵錫參道俗先賢習元悟往往
寄高躅此寺自陶文簡與湛然結方外之交其後
祁忠惠祁止祥王季重家太若先生常往
來寺中國初趙逸民旬遂隱迹于禪房留定雲蒲
此與王白岳等僑雲門十大弟子志趙逸民所撰天風搖殿鈴時聞暗泉續

懷曉湖二首

不見忽三月相思如水深殘年愁雨雪清夢足山
林詩艸今增幾除書信又沈閉門貧亦好知爾歲
寒心

南望長湖曲寒林萬疊山邨墟流水近門巷夕陽

閒壽母扶筇笑山妻拾橡還西頭新釀熟一笑解
塵顏

昨夜方作詩懷曉湖有除書信又沈之句今
日閱邸鈔知十月末已選得浦江訓導矣
更賦一詩柬之

老得東州八品官眼前差自慰飢寒浦陽人物今
餘幾博士生涯亦大難一水欣看程不遠高堂應
爲飯加餐詩成剛報除書至定有香分苜蓿盤

昨詩成未寄今日得曉湖書報除官事因更
賦一詩并寄之

兩日詩成書未寄打門忽報有書來始知文字關
神契喜對妻孥舉酒杯貧賤知交同骨肉山林搖

落惜人才舉比一坐堪安隱塵世如今口莫開
得慎齋義烏書惠十金爲卒歲之謀賦謝二

首

東頭借屋寄閒身卒歲蕭然自耐貧長享豎儒三
韭饌忽叨知己一流銀文章豈爲能求友衣食須
知攢擇人慚媿束修供換酒史雲塵釜頓生春
瘦羊博士近何如聲息相聞百里餘官舍弦歌消
夜永山城桃李入春初周磐自足三鱸養徐淑新
傳尺鯉書會看冰開歸櫂動一鐙花雨樂閒居

庚午人日風雨訪曉湖壽勝山居飲梅花下

作 以下庚午

入春七日無醉處扁舟訪君入山去天公妒人風

雨橫破帽衝寒欲迷路到門屈曲谿港交隔山烟
霏來如潮長髯躡履喜報客凍雀驚巢松林梢君
家兄弟清似鵠奉母閒居備清福獻春伏臘百不
憂花下百缸酒新熟黃楊過盡兵火年人生得飽
無愚賢醯醢雞禪蟲亦天地鳳皇飢死人誰憐三載
同君客京邑憂亂傷離過時節梅花如雪湖山寬
誰想今朝作人日白雲繞屋竹繞川門外蔬麥千
畦田承平再見民物盛豈必吾有方欣然君今被
檄往司鐸余亦仍營一囊粟浦陽春水滹沱冰明
歲應思今日樂

人日晚泊柯山大風中著屐至巖中看梅花
日暮停舟探野梅醉披風帽入巖隈落英過雨緣

籬慘凍萼催春近水開天外遠香傳洞壑暝邊雪
色見樓臺間情爲語山中客人日題詩紀我來

孟春下旬偕曉湖慎齋孫生

星華

妹夫鄭

愷

季弟

惠銘

游蘭亭時邑令楊君新輯流觴

亭右軍祠

載酒來尋蘭上里依然勝賞屬山池衣冠舊事三
春楔巖壑新妝六代詩天際晴雲歐冶竈竹間斜
日右軍祠費他曲水邯鄲步豈有清流似晉時

偕諸子游天章寺

廿載題襟選佛場

癸丑歲偕孫子九陳荃譜徐寶意周雪甌王孟調等舉秋課於

此重來劫火認蒼涼亂雲穿壁全遮屋翠蘚封階

欲上堂鶴影荒山悲舊侶

徐陳王周諸君皆早逝

鵲啼古穴

問空王

冬青穴遺趾久泯

院田已盡鐘聲歇老衲編籬話

夕陽

後十日再游蘭亭

俯仰已十日騎驢重入山林泉生古色風日眷塵
顏高詠何人繼浮雲與世閒只今亭下水鳴咽幾
時還

林霽山詩千載蘭亭鳴咽水不知
真帖落誰家爲宋六陵遺蛻作也

春曉登越王崢憩深雲寺歐兕尊者道場復
登大尖山游靈巖寺作三首

夜眠九曲烟晨泊棲山足筍蹻昇我行清暉不可
觸仄岸滴朝露層坡絢晴旭斗上嶺百盤危梯插
山腹人家依竹樹簷霽接飛瀑忽見松陰明江光
納林曲餘暨連錢唐峴峴辨川陸頽視羅羣峯千

鬟刷新沐倒捲成波濤百里瀉一綠何人結洞居
白雲就之宿

霸圖久已歇箐深盤馬岡鐘鼓始何代絕巘開道
場尊者根淨諦蒲團作洞房披緇便示宗了了空
花香結跏留蛻影下界現妙光斷羸游澗池棄筍
搖風篁我來證清梵泉聲響空廊茶香出深磬雲
斷天風長不見五千楯盡化松與樟

西望挹大尖拔地若花跼循嶺縱幽探山氣盡奔
注下折窮宛延上躋絕攢峙起伏爭孤堂勢縮不
能住轉險屢睎眄奪隘互迎拒岫展得寺門危峯
隱檐宇石壓經樓青潮生殿鈴語天風吹山桃紅
墮下方霰腳下萬綠騰不見來時路

舟行湖塘邨

又攜畫舫過湖塘風物依然愛此鄉
山界平橋分翠靄樹依小市占斜陽
沿隄花氣通人語隔岸松風引酒香
頭白艸堂終未就項峯腸斷隴雲蒼

丙辰

丙寅兩奉先太恭
人卜居皆未遂

春日雨後曉湖校亭兄弟招同季弟彥僑游
曹谿水石宕訪陶文簡書樓步憩空明菴
登吼山絕頂觀棋枰石試雲石泉返泊繞
門山作七首

急雨及農歇佳客攜蘭舟沿緣樊江口
邨落涵清幽漸覺谿港窄層崖束以稠
翠麥繞修磴巖腰眠牯牛花浮石上泉
煙開松際樓迴看茅屋上時有

春雲流

青石卓面開洞門，訝而闢舟石故相讓。水流與爲

折泓然得空潭，四照展深碧。師象誰爲名，

洞有師山象山

皆肖石形

奇想絕人力，危梁拗虹環。矗嶼斷雲立，巨魚

時一躍，康宸響膠慄。

祭酒習儒墨，餘事能詩篇。虛樓躡曩跡，清風生我前。
想見倚闌坐，繙經映深淵。危言爭國本，冲襟游緇禪。
奈何東林徒，指爲朱李傳。苦梔作相路，遂令邱壑專。

舍舟更登岸，繞足田水聲。畦盡得竹徑，山扉含煙呈。
入門萬石立，中養方池明。一峯挂飛瀑，下激松風鳴。
流湍界敝廊，危屢震虛竄。雖尼誦經罷，花落

游魚行

幽尋陟其遐及顛必由趾飛泉夾磴來屐滑不可
齒踞巘結僧广嶽崎映清泚海氣明佛面雲影度
幢址一石笠而敲纖趺竦孤峙上洒俯百尋時時
落松子

曦午暢晴眺身外無高岑東望絕海際天水何沈

沈陶偁

兩山名

僅坵垤蛾眉分修陰平楚交遠風白

雲相淺深塵目亦已饜嗽泉清我心回舟弄茶火
石翠紛衣襟

塵塵繞門山勢與犬亭續萬夫不停斤窮奇鏤崖
腹醜媚非一名餘力破坤軸上陟礙鳥飛中屢度
雲宿藤蘿絡夕陽下飲古潭綠安得攜素心因厂

各爲屋

胡梅卿比部

壽謙

梅仙駕部

壽頤

兄弟約上

已日修禊蘭亭舟至木客山以日莫風雨
失期歸後賦柬兩君

上巳期佳客攜尊水石間屐聲穿樹靜驢影過橋
閒莫雨蘭亭渚春雲木客山停舟兩延佇寂莫載
詩還

雨中自木客山出何山橋過湖南岸馬太守

祠作三首

木客行吟地雲深鳥自呼樹連伯翳廟

山有百蟲將軍廟祀

伯益土人呼稽山廟

山入允常都遠岫多銜屋輕烟不滿湖

人生能著屐莫惜酒錢無

十里偏門路邨居勝似仙林霏生野寺橋路入谿
煙鳥嘯新寒食人耕好墓田綠簑風雨裏花滿罽
泥船

不見長湖曲猶傳太守祠朱扉含暝色春水異晴
時山影多連郭谿聲自入池信辭無謝范青史至

今疑

太守事謝范後
漢書皆未載

雨泊鳳皇山下石泉菴

雨過春郊淨荒菴小泊船山形團似屋邨瀑亂於
煙水綠全歸樹橋明遠界天青黃誰著色繡徧鏡
湖田

游漓渚寶壽寺自甲寅之冬偕孫子九來此
及今十七年寺屋半焚院之主僧已歷三

世矣悵然成詠并懷子九汀州

峯迴嶂抱碧谿流雲鎖山門路倍幽新雨翠浮松
裏徑夕陽紅補竹間樓舊時題句僧誰記劫後鐘
聲佛自愁爲念孫因今作客可傳清夢到汀州

莫春過亭山下弔明詩人王埜翁蛻巖及其

女嬃屏墓

雲繞春山水繞亭小蓉城畔草青青東風三月詩
人墓華表千年處土星酌酒無人來下馬枕松有
女尙傳經湖邊多少閒桃李不敢飛花近嬋屏

項里山行

山有清谿十八橋

曲曲清谿路敲橋帶小邨水聲喧雜雨樹色重連
雲茶火綠僧舍山花紅墓門幾時傍先壠築屋繞

松根

先考妣
葬山中

春晚至柯巖坐理詠窩中梅陰滿庭欣然題

四絕句於壁

生結梅花冷淡盟年年山信負流鶯多情留得清
陰待照我林間弄扇行

翠幄悵悵積雨餘二分籬落稱蕭疏閒房似水林
香靜好借山窗讀道書

曲磴高低襯碧苔紅闌斜靠螭牆隈繡毬花落泥
痕細知是何人印屨來

風吹水檻自生涼簾捲雲深日倍長多約山僧來
結夏一蒲團裏聽鑪香

莫春至馬山澄湖埭上外王父母塚感賦

州里澄湖埭重來似夢中
田園春晚色耕讀外家
風樹密邨居靜雲開海氣通
自慚虛宅相頭白尙
飄蓬

秦澹如都轉屬題其尊人小峴司寇蘇祠落成圖

錫山使君今吏隱
竭來示我蘇祠圖
爲言侍郎昔蒞浙
手闢精舍西湖隅
祠成潔齋薦俎醴
歲時文詠相嬰娛
陳生繪圖紀佳事
湖山點綴霜天疏
洊經兵火燬祠屋
此卷亦逐烟雲徂
時清神物竟還璧
恍若世寶陳璠璵
西湖持節繼前美
靈祠重展榛荆區
侍郎遺愛比玉局
祖孫配食良非誣
蘇祠西偏
舊祀淮海今
復以侍郎附盛衰
遷轉系名德
展圖追昔重嗟吁

睿皇之初世極治浙西繁富凌京都長吏政成事
多暇提倡風雅聯簪裾儀徵相公秉節鉞首祀許
鄭開精廬幸有侍郎作同志徵文考獻情無殊要
知興造主觀感非特文字資規模祇今民氣未穌
復正藉司牧勤嘘枯卽指斯圖證今昔樓閣十九
成邱墟老葑幾聞捲宿草穉楊未見搖春株自來
吏治尙儒雅豈彼俗學堪追趨使君繡衣秉家法
行見萬物成昭蘇梁谿大好暢園里未容歸櫂尋
莼鱸歲寒巖畔老梅發寒泉一曲仙所居通門百
代有宿契年年生日陳山蔬紫衣未坐預齋筵從
君迎神舞巴渝

秋日偕麋卿耆仲兄弟出錢唐門緣六橋上

靈隱坐冷泉亭觀飛來峯遂歷三竺至上
寺還憩湖上蘇公祠作五首

秋暑尙未已金鷄扇微清出城未一里照眼湖光
明危橋控叢綠壞塔堂孤晴小艇賣菱去時亂鷗
鳧行

竹徑入棲霞宛延赴靈鷲到寺萬慮澄山門展雲
岫清風接柯陰溼翠導泉竇空亭不見人鐘聲墮
松鮑

我觀飛來峯微妙固難說嵌空衆相具陰森萬靈
接松風偶一鳴洞壑遞清慄倒植藤蘿根千朵綠
雲立

盡勝歷三竺路與秋雲平巖桂徧作華夾徑香風

生鑪煙絢霞景鉢池洗秋晴下界拾嵐翠微聞清
磬聲

疏筍就山飯天風送籃舁蒼然滌湖曲言就坡仙
居晚荷紅未歇娟娟出深蘆清游良不易眷此秋
陰初

予弟仲肅四十生日勛以詩五章爲壽

初秋氣始肅我客杭城隅遙念故山麓賃廡西頭
居典衣作生日飭盤陳瓜菰僇觴乏佳客雞豚頗
充閭戶小不能飲濁酒常滿壺青山澹相對繞屋
多槐榆倚樹讀書罷時時耦樵漁

我生牛兒年汝生歲在卯肩隨相嬉戲亦或競梨
棗趨庭無愛憎入塾齊拙巧韶景不自珍侵尋及

衰老蹇途歷百屯力學艱一飽文章養性命藉此
蘄耆考道腴氣不餒黃髮庶可保

我祖三十六我父增兩齡先人秉強固中道悲委
形叔弟更朝露顧影凋原鵠汝也生三子先後還
浩冥感念門祚薄懷茲蒲柳零彭殤豈有常恃弗
嬰吾甯世促舊德永飢寒抱遺經積善理非爽祝
汝長添丁

白傳年卅九作詩感歲暮厥後躋大耋林泉養冲
素人生無堅脆貴能安所遇我病與年長汝弱亦
逾故精力強自飭質敝神可駐流水與戶樞豈見
有腐蠹鄙哉導引言奚識達生趣

庚申汝三十我困居春明作詩欲壽汝憂憤終不

成今幸共鄉國帶水偏盈盈連牀夜來夢惜此風
雨聲弟生日爲七月二十四聚散豈自主惟期心
志貞我行營薄宦汝宜勤治生先業得稍理南湖
各歸耕茅堂一尊酒償此離闊情

庚午書事二首

孤憤千秋在狂呼一擊中夷酋方喪魄廷議急和
戎殲敵誠非易要盟豈有終宋金殷鑒近幸莫恃
成功

華夏瞻山斗安危仗老成出師良有待執法太無
名竟墮纖兒術難全義士生虛傳持重議晚節付
公評

題家藏趙希遠

伯驥

仙山樓閣圖長卷

和州兄弟南班英早侍光堯驂玉京差似有唐大

小李北宗獨擅丹青名此圖肇自董源筆界畫精

嚴衛賢出千里曾有畫本傳難弟揮毫復無匹研

絹橫埽三丈長翠瀾四繞山中央樓閣萬重隱山

出雲霞欲動琪花香紅磴碧巒各開徑星冠羽裳

自輝映金支鸞鶴王母耕翠水芙蓉玉華鏡豪端

縹緲如有神丹梯鉤絡銀漢紋上追巧算郭監簿

下開絕藝王孤雲我披此圖重太息思陵游執情

何極不畫千門艮嶽宮卻寫神山海中色幅末有小楷五

字云臣伯集英殿屏天慶宮弟兄承旨雙策功桃

源一圖不可見獨畱此卷窮溟濛千里嘗續集英殿屏風爲高宗

有脩賞希遠嘗奉勅續天慶觀樣又嘗畫桃源圖後

記

玉軸縑囊號珍祕句曲雲林有題字

後有倪元鎮張伯雨

題詩無跋

二百年來歸我家神物護持幸無墜方壺員

嶠無滄桑羽陵片簡楹中藏何時延津兩劍合還

問吾家清樾堂

千里仙山樓閣圖明時嘉興李氏清樾堂汪氏凝霞閣皆有藏本見

汪水玉珊瑚網

庚午九日曹山宴集夜飲秦氏娛園分韻得

千字

佳游貴選日茲晨尤所專盍哉促秋駕延佇娛清

淵曹山富奇景栖寄多高兮及爾共霞契泉石相

施緣仄磴劣筇拄竅壑窮舟穿碎石附花落逋峯

學雲岵灌辟幾今古餘力爭彫鐫舒席據經閣水

流松樹顛塵襟頓以滌聞觀心爲宣乘高縱遐討

層谷何俗俗西嶷墮餘映川光戀微煙晝短繼華
燭商歌發明筵人生多哀樂雲物隨變遷朝菌壽
旦暮大椿歲八千達識非有覲榮名能自堅作詩
諗同志無爲捐盛年

冬莫偕族兄弟夜飲梅山寺

有序

晚煙銜郭寒月出林羣季畢來孤櫂始發
沿上柴下柴之曲絕東灘西灘之流人語
隔池水色浮慘港淑折而漸暝墟落寂而
入幽有山翼然卓立烟際松枯四翳中見
寺門佛鐙射船山僧候岸壺榼在擔茶笙
嚮鐺庭廡靜深鐘魚俱歇時則予弟蘭如
光祿竹樓訓導以予將北行治具言別借

行廚於香積啟明筵於夕軒談屑墜冰鬢
影妨燭酒缸千斛映星不寒山光四圍入
簾都翠觴勺既倦行吟圃庭凍竹萬竿鏤
月滿地霜葉積尺青鞵有聲細梅作花羅
襟亂馥栖禽驚噪或迢別枝池泉暗流時
滴清響觸屏之僕鼾聞於下方知更之雞
鳴促於宵漏高興未已曙色忽萌鐘杵既
催肴俎始設夫星辰旋轉行速乎舟輪親
戚宴游每間乎離別是以青蓮達識流連
秉燭之言元子可兒悽愴種柳之歲中年
絲竹易併悲歡亂後園林幸聯花鄂今夕
何夕知後會之難賡東祖西祖幸先芬之

可誦韋家花樹感槩承平謝氏烏衣淋漓

篇什用成四韻紀勝一時嗚呼朝曦不溫

微霰先集

次晨微雪

天涯雁影長懷伐木之吟

劫火鴻泥誰徵熏艾之穴烟雲可贍鰥鶴

難期白頭臥菴笑行客之萬里紅萼無主

遲尋春以十年敘情話於蒲團論巢痕於

桑下

乙丑之秋寓寺樓十餘日

綠波春動將勞江上之

送行青山歲寒留待他年之誓墓

暮色連遙山乘月弄寒機招提富煙景蘭觴展瑤

席明燭凝釵光寒花墮巖滴料應池塘夢長眷晦

堂夕

辛未元夕別家人作

以下辛未

故鄉鐙月正團圓抵死相催作別筵七載歸人桑
海淚一肩行李郭門船風塵薄宦尋殘局鍼線高
堂夢昔年頭白孤兒隨計吏九原回首倍潸然

三弟四弟送至郭外金龍四大王廟而別作
三絕句

無多兄弟泥長行忍淚相隨半里程閭吏不知人
惜別苦催魚鑰出春城

那有垂楊古道旁明神隨例付滄桑孤龕露處無
祠廟猶爲離人一炷香

廟已燬
於兵火

蓬萊驛舍已煙銷兩市屠沽久寂寥猶有酒樓鐙
一點多情照我過虹橋

舟至高橋小泊看月

小泊高橋午夜天
越城回首隔寒烟
鏡湖忽湧元宵月
來傍離人萬里船

武林寓樓喜季弟至

不謂長行後猶連旅舍
牀莫忘今日夜風雨在錢唐

舟泊湖墅

雨出北關去收帆尙帶泥
三更殘月上煙際望西谿

自臨平至塘棲夾岸梅林
花開甚盛作四絕句

湖邊山萬重山下梅千樹
時見白鳥飛入林不知處

曲港帶危橋緣磴入修竹花裏炊烟生何人結茅
屋

帶雨知樵徑隨流點釣矸有人含墨畫風帽坐船
窗

小雨稽郵程幽鳥破清夢對面風帆來暗香自迎
送

過茶禪寺

寂寂語兒橋寒流帶枯葦一塔倚春陰道是茶禪
寺

舟泊楓涇

已入華亭界寒江色不開孤舟楓涇側風雨待潮
來

夕陽中過閔行時新駐水師營

春申江口滿帆風
江市人家入畫同
一岸斜陽營細柳
戍旗明滅亂流中

滬上別季弟

我北汝南返相攜
黃浦濱去畱無限
意含淚看旁人

黑水洋看月

曉出吳淞口昏經
黑水洋惟餘一弦
月照出海天長

晨過綠水洋見山
東沿海諸山上午
經膠萊境午抵燕
臺望之罘成勞諸
山作

一壺碧玉瀉雲間
歷歷煙螺點髻鬟
此日夷艘行

枕席當年漢帝望神山旌旗碣石新開館鼓角沙
門舊設開始識成勞本仙境夕陽萬道起朱殷

抵大沽口見楊柳已垂垂矣感賦一絕

海上嚴營卓戎旗當年曾此覆雄師細腰戎女羊
車出翻向橫塘妬柳枝

太西女子
尙細腰

通州道中見桃花

車繞路城西柳絲何瀲灩忽見桃花明青帘出邨
店

途中見上塚者感賦

已過清明十日天北人祭埽尙紛然可憐孤客三
千里來向通州看紙錢

潘伯寅侍郎張孝達編修招集龍樹寺分紀

以詩

客賞良不易官程况多促輟洗解華簪相攜翫嘉
旭宛彼城南隅地曠衆景蓄招提出烟際老槐互
蜷曲修池帶叢蘆敞廊蔭疏竹欣此微陰娛遠風
扇新綠開軒緬西山嵐翠若初沐玉醴旣已陳清
言取相觸感樂窮萬變芳華富一矚情有異同吟
道爲智愚局翳予寡素尙塵鞅苦羈束幸陪君子
歡幽襟未易足漸覺莫靄生鐘魚自賡續吟遲新
月上倦此不遑宿歸去滌塵夢松泉響幽谷

潘星齋侍郎丈招飲小鷗波館後日賦謝

七載還故山長飢狎麋麋偶然貢遐夢杖履若延
佇維公海鶴姿風雅實宗主重隨計吏謁略分愜

塵撫戒賓啟東閣瑤筵列尊俎既幸猷吳鮭復喜
挹談塵喬柯接簷風疏花宿庭雨微雲媚湘簾斜
陽眷朱戶人生重嘉會兼金比芳序慚無元悟才
蓬飛感離聚安得五湖船從公釣烟渚

比鄰徐壽蘅侍郎招飲以疾賦詩爲謝

日日閒庭倚樹吟蕭疏散髮不勝簪浮生久竭憂
時淚多病常懷去國心猶喜門牆鄰絳帳自慚桃
李託清陰幽憂未得陪佳賞悵絕成連一曲琴

答王子常同年詠霓見贈之作

聖清勵實學經訓勤疏治閭顧朱胡陳見桃筆路先

驅馳碩儒啟小惠

松崖時儒小紅豆先生

撫宿窮娥義一傳

得良庭寫經參籀斯盧

抱鶴經褚侶

實驂靳王

西莊錢竹

共維持孔

軒

邵雲

孫

淵

洪

雅

凌

仲

繼起

分

畚

蓄

元

明積壅蔽悉辭而闢之萬彙索奧噴千秋絕攀躋

是皆宗高密經神無它師洙泗恃一綫微言接緇

帷別出有江戴金

繫齋

段相追隨稍遜惠學交未與

鄭志違幸際高宗朝千載開昌期大典搜秘逸石

經正譌遺翹材列四庫章逢賡委蛇典禮及名物

爬梳咸受比訓詁及章句斟董罔弗釐粲然六經

籍鉅細長昭垂中天竟再覩轢漢凌蒼姬家法貴

墨守大道詎有歧世儒好銜鬻立異不知歸通覲

務博物味經標正辭制度勇肱改

程

易

疇

通

甄

錄

戈

劍

戟

等

攷

多

不

足

信

其

科

旨

紛

譌

滋

此

雖

名

學實已招瑕疵桐城遂猖狂捐本升其枝擗摻八

家語小文炫羣兒斯藩一以壞雷鳴聒鼃鼃聾瞽
獸撻索蠶蠹肆謦訾鶉棲傲執冕豕盆蔑尊彝空
言講性命聖道日陵夷不學爲知本師心恃可欺
六書屏不講三禮紛致疑馴至釀大亂癰潰連心
脾五斗各立教天主奉太西痛茲謬種害遷流忘
其非有識或疾呼楚咻舌爲疲碩果已盡落弦誦
聲何稀京師盛冠蓋杖杜貫雌霓講章祕枕寶兔
園不敢窺其間號才俊佻達矜羽儀亂抹尤侗集
高誦袁枚詩孤鳳偶一出環皋驚羣鳴予生宿嬰
疚許鄭心所跂健忘屢迷復望洋憚鉤稽昔秋舉
進士同歲多魁奇潘鵬朱新兩年少漢詁确不多
黃生以周此用秦漢人儒生儒先例治易禮屹屹忘朝飢其餘十

數輩俱好深湛思吾子產台嶠餐霞采金芝精掣
康成學編摩手生胝餘事及棄擲支川理焚絲譚
獻王菜亦同志左右相提攜蠹簡互披抉門戶無
鉞離漢學或復振大廈羣支楮痿茶庶自策跛驢
追駿騏秋風儻載酒說經解我臣光采勉韜蓄斯
文將在茲

九日宴集慈仁寺毘盧閣用少陵宿贊公土
室第二首韻

城僻多幽事林深識禪靜經壇散菊花雲幢閟松
影幸預華纓游樂此蕭晝永危厂凌蘿梯殘銘剔
苔井玄關詎云款談塵猶可秉語笑出天半爽氣
與秋迴寄興清虛間卽物見濠潁詠觴有餘歡塵

俗奚待屏夕光弄微姓遠翠導西嶺迴看莫烟生
月上鵲巢頂

江右熊孝廉鏡心年七十矣素未相識今春

入都屢承過訪於其行也以詩留別且索

和依韵答之

孝廉素究丹訣嘗注參同契等書來詩有云君返天台求

異士長生別有海南方

老被人間喚酒狂海天回首夢迷茫
歲華星宿誰曾摘清淺蓬萊詎可航
白髮三朝怨顏駟朱門十載滯鄒陽
勞君席帽頻相過悵結秋風水一方

君終

未見予故云

小寒夜香濤官夫麀伯三編修溫味秋贊善

董峴樵兵備王信甫員外偕飲長沙周學

士新居作

學士高齋啓玳筵紅鑪銀獨小寒天梅花格峻宜
宮體蘭芷香多怨楚絃千里風烟清輦下百年文
獻屬尊前江湖席帽龍鍾客強侶金貂趁玉鞭

峴樵兵備招飲以小疾不往賦詩柬之

上客賡聯佩朱儒獨擁氈窮愁艱一醉衰病入中
年竊祿千官下論交百代前西鄰歌舞地風雪閉
門眠

伯寅侍郎饋銀爲伏臘之資賦詩爲謝

窮巷經時絕過存歲寒冰雪阻修門嗣宗交舊多
讎錄杜牧文章總罪言獨有侍郎能念我每銷清
俸與傾尊長安僵臥知何限慚負春風滿室溫

消寒三集香濤出示宋畫香山九老圖卷卽

題長歌四十韵且訂西山之游並柬有夫

香巖居士城南居

香濤自號
香巖居士

寒宵高館羅尊壺酒

闌興發更張燭拂牀出示九老圖絹素流傳自宋

代丹青渲筆無凡姝衣冠樸野見古意竹樹點綴

猶鮮數龍門八節髣在眼青蒼萬劫仙所都遼陽

侍御富絃軸

圖舊藏漢軍李
御史恩慶家

愛護不使纖塵污君

今好事過前輩寶此何啻千金釀卽論文采照當

代政恐長慶供箠驅我獨披圖再三歎青雲驥尾

良非誣胡吉劉盧豈足算幸隨退傅相喁于柳宿

二星動天子飛雲躡履凌宵虛洛中遺老亦何物

谷神養息山林癯百三十歲無一事龜苓寧與蜉

菌殊自來清福貴名德匪借泉石容頑軀樂天出
處有深義中唐國是多艱虞太阿顛倒弄熏腐南
衙低首不敢吁前有伋文後訓注懷忠奮發謀芟
鋤雅志不遂蒙世詬清流接踵遭羅陸劉柳才人
坐奸黨涯鍊儒相讎門誅微之忼慨思厲節一挫
失足遂迷途公獨回翔不濡尾新昌履道忘江湖
同年不幸有牛李靖恭諸楊況葭莩一緘文字屏
塵匱平泉草木誰噓枯牛李黨者謂僧孺宗閔是
也有以李指衛公者誤是
時贊皇正當國中興羣彥連茅茹洛師分務乞骸
骨退友麋鹿相歌呼白須朱紫互輝映卻視門戶
真人奴後來至道續高會吾家文正聯瓊琚熙陵
造邾引詩諫文章行事常追摹三台七秩備恩禮

園亭絲竹多怡娛所惜仕宦歷周漢醉吟風節猶

非徒君今盛年致臺閣坐作霖雨爲時需承平人

物轢唐宋從容雅歌集簪裾周董胡爲早逃席得

非盧尹同兼謨

是日集者十一人符翁峴樵先去故以河南尹盧貞祕書監狄兼謨

二人與會而不及列爲戲

香山之會又有兩盧貞

元爽僧如滿而以盧尹狄監入九老皆誤

我預題詩紀絕倒出門霜月

橫天衢西山殘雪忽照眼佳名京雒遙相符玉泉

潭柘富烟景籃輦宜及春風初雲深寺寺出鐘磬

紅衫導鶴穿松株勝流名迹例代嬪可令丹翠局

靈區招邀霞侶胥入畫萬卷先約西鄰朱

至道九老中有

工部侍郎朱昂號小萬卷曾夫居與香濤鄰秋初曾有游山約故云

行糧日日打包

待問訊張子今何如

越縵堂詩初集第九卷

南通馮

雄翰飛校

越縵堂詩初集第十卷

清 會稽 李慈銘 悉伯

白華絳柎閣詩癸

古今體一百十三首

贈朝鮮使臣閔經園

致庠

判樞朴綺園

鳳彬

直閣卽送其歸國二首

以下王申

東來畫簫靜風烟玉塞車書奉九天王會自修唐

職貢雄封不改漢山川聲靈薄海三千里禮樂稱

藩五百年仙李柯條應可數

李白詩我李百萬葉柯條布中州朝鮮李

氏自明洪武二十五年得國至今四百八十一年

羽儀今見使臣賢

聯翩尊俎接華裾已是東門祖帳初殘雪官梅迎
遠驛早風關柳引歸旛清班雅負三韓望溫旨親
承九陞書珍重文章經國事中朝執戟媿相如

太華衝雪圖爲董峴樵觀察題

唯華莫豫雍金天實撫燾削成而四方坤維祕靈
隩鉤梯通蛇行飛緮接暖趨董生真好奇高不誓
凌蹈元冬萬象閉積雪一騎導翳麓展丹房靈風
啟眞誥信宿結藤纏賓從謝車膏漸覺頂踵齊寧
辭腹背靠迴峽循劍臘欽巖透壁好呀豁疑出籠
蹲伏恍在菴仄磴駐顏景凍礪扶微瀑歷險得青
柯中空闢方壘仙樂微可聞羣靈若相勞仰拂玉
女鬟雲裳曳鮮縞明星粲可摘天漿飲猶嫪下俛
萬銀海三秦縮寸眊終終吳嶽南散丘垤涇渭特溝
潦神王力不疲心清氣愈稟奈何懸度窮冰級乏
人鑿得半已賈勇投書枉增悼逡遁遂旋跬顧見

跼萼倒下界撫松顛始聞鳥雀噪歸來紀幽勝險
絕詫童髦奇句足相抗飢魂藉當犒膠慄營粉本
層凌映風帽尙惜龍駕絕凌虛未能到君今再入
秦嶽色眷行纛我聞雙池泉蓮葉鮮可芼鐵船纜
柏根詭迹務絕造更以遐覽力歷舉關輔奧西夏
猶連烽北山亦窟盜玉門千里內天府赤爲耗屯
田諡地隘輸粟辨河漕尺寸洞厥形氛翳漸以掃
行見露冕馳褰帷慰民禱區區徐霞蔡子流游記
安足傲

嶺嶠望雲圖爲楊理菴檢討

太亨題

丹蕉紅荔開羊城翰林橐筆依老兵忽起登樓望
雲嶠珠江越水無限情人生苦爲衣食計短簿髯

參豈初意湖邊歲給二頃租何羨東方擁千騎君
今諼草榮北堂承明歸奉天羹香難兄粲粲持簪
案循陔笑看芝蘭長昔年掄才往南國星軺歸獻
五花敕羅浮衡嶽雲千重都映宮袍萬年色披圖
讀罷心自哀皋魚薄祿徒徘徊項里墓田松柏少
白雲天際爲誰來

予二親葬
項里山

彭侍郎

玉麀

畫墨梅爲謝麀伯編修題時湘

鄉使相新逝

風雪十日無酒錢漫郎老作飢鶴拳典衣買梅得
盈把插入膽瓶配水仙吟香嚼茗絕朝事閉門不
受東風憐街南謝公忽走使示我此幅情悠然爲
言侍郎潑寒墨正坐山寺儕枯禪放臂夭矯作曲

榦頓覺鐵石生清妍長江水師百萬衆踏冰苦戰
經十年瘦骨時與怒蛟搏勁節能挽天心旋投閒
寫此古明月鑒影不負清冷鼎枯枿亦荷雨露力
高枝詎假蚍蜉權方今歲寒更寥落霜風一夜凋
貞荃江南江北失嫵媚雲臺粉本無華顛地下冬
心已寂寂山中處子猶娟娟白雲豈尙耐高臥坐
令荆棘纏風煙還君此圖三歎息楚辭愁絕朱琴
弦詩成冷澹成獨賞更爲寒花澆井泉

題峴樵扮東老屋校韵圖

古人取韵緩清濁限方域世儒泥章句音義遂煩
數長短齊人言輕重漢儒讀後出益紛拏圈發逞
私欲梁陳講聲病強以四聲束高貴泉梁武卓識

獨破俗奈此風會趨浮華斲其樸真倒言下上虛
實味秀宿鯛乃切紂紅頊改翻許綠燕說誰爲刊
天籟反遭梏北宋家法存近守唐代躅丁賈皆經
儒同志有洙王淑李十卷十二凡部別慎通獨慳

繆偶馳孫

幅

典刑未祧陸字不取類隔文亦參篇

玉別體務薈萃一音自聯屬雖病雅俗殺尤多形
體複觀過宜知仁多文在富蓄誰歟妄兼并畫部

成百六疵議叢劉淵初始實文郁

金王文郁平水新刊韻略出於

正大六年已并二百六部爲一百六部先於南宋劉淵淳祐新刊禮部韻略二十四年又上聲已去

拯韻亦非始陰時夫也

國朝勇復古亭林首張目十部至廿

一研析遞繁縟經子務博證集矢徧吳越入聲互
割配頭脯強接續其意或過通往往見違觸之脂

支必分元魂痕當副無錫與儀徵雅冀古騷復無錫

秦文恭嘗以江戴兩君言元與魂痕當依三百篇析爲二眞殷當從唐人同用上聲拯去聲證當分

出獨用上疏請刊正韻書阮文達取段氏之脂支羣經楚辭分三部之說欲并廣韻定爲古韻廿一

賦部爲作古解 昌言終未行習非徒嫁嫁蒙嘗發狂

論吹萬貴抱蜀雙聲本天機造化具宮籙六書半

形聲偏旁不相黷持此兩大端如宗合其族一埽

塵徑蕪兼通絕津軸霓蜺枉分別頗陂免點辱婁

欲勒一書私以詔家塾病癩輟觚翰家貧艱畢牘

羨君勤箸述榆陰掩深屋朝夕羅丹鉛雅詁盡簞

錄體乃方密之通雅 吳山夫 殊義與朱鬱儀駢雅 夏味堂 足

簡鍊比治兵爬梳類折獄卽覘經濟優豈爲盤錯

衄此圖便千秋雕蟲等奴僕

壬申上巳日王信甫員外邀同董峴樵游城

南龍樹寺峴樵賦詩見寄卽次其韵二首

小試郊南騎芳塵輒不驚草長知蝶態水滿得蛙
聲暖日常依闕輕烟欲抱城相期投古寺幢影隔
林明

寥落芳華節歡游止百哀柳絲依水檻花氣出香
臺遠樹壇陰直浮雲塞上來烽烟應未靜相勸手
中杯

莫春十四日伯寅孝達招同秦宜庭董峴樵
陳逸山吳清卿諸君極樂寺賞海棠酒畢
復同游三貝子花園

窮居不知春事至亂書牀頭雜堆置滿庭積潦草

不青老槐嬾娑乏生意一昨街頭聞賣花典衣諧
價鄰人譁丁香紅杏亂栽插短牆隙壤紛天斜侍
郎好花復好客南皮公子興尤劇招邀共探蕭寺
春詩賭百篇酒一石驅車爭出西直門平疇萬綠
開晴瞰青山婉孌向人笑恍然身到江南邨高粱
之水玉河抱翠色春陰接瓊島時聞流出宮中花
浴鴨游魚滿清藻林陰梵宇沿流開雜花千樹環
講臺諸天色相現長晝石幢雲采繽紛來所惜海
棠獨遲發火速綠章奏何迫坐失華鬢絕代姿不
遣紅妝勸浮白董侯戎旃行入關秦老酒半醺玉
山人生行樂那可極看花幾度凋朱顏隔湖灌木
何王邸亭館半傾花石徙追涼池上林風長莫靄

遙隨晚鐘起僕夫催返行踟躕清游不足留畫圖
城東歌舞列紅燭豈知世上春光徂

是日戶部同官招赴城東

樂宴

後三日偕冑夫慈仁寺看花復出右安門訪

花之寺海棠遇方勉甫舍人

恭釗

兄弟留

飲至日莫而歸

春風十日吹煖晴結侶又向城西行慈仁寺中春
事早杏梨綠暗丁香明白玉花叢間金雀挾梅滿
地燕支落碧桃一樹早霞鮮綽約新嬌倚經閣僧
貧寺宋門常開卷衣蝴蝶時去來危梯響屨出花
上踏青爭上文殊臺回車出城更尋寺詩老花之
有題字入門錦照緋羅天雙樹蒸雲一何綺相輪

朐轉七寶裝朱簷碧瓦危相當齋鐘一杵散花雨
華嚴色界回春光京師海棠本第一此花奇麗尤
傑出猩紅鸚綠天人姿回首夭桃憫如失方家兄
弟攜玉卮周郎爛醉倒接羅坐有周編修蘭善飲紫雲照坐
絳仙舞深杯百罰何須辭酒罷開窗延野色夕陽
返映豔無極欲具袍笏拜金神留此十句作花國
嗚呼盛時不遇誠可傷南鄰張子聞應狂是日期孝達不
至

後四日偕許竹簣編修

景澂

方勉甫舍人濮

子泉兵部

子潼

朱鼎甫孝廉

一新

兩同年

再至極樂寺看海棠復游可園而歸

鳳城一雨花更嬌嬉春排日無停鑣命儔夙戒起

清旭馬蹄又踏高梁橋阜城門外綠莎軟清絕濠
流荻芽短浴鵝眠犢更宜人故里風光客中滿寺
門尙遠花光來漫天錦繡連雲開下者珊瑚上虎
魄細亦玉樹堆玫瑰天公門巧乃至此令人一步
千徘徊國花堂前豔尤絕寶釵十萬亭亭列朱闌
一曲垂綠楊卻觀臨風舞迴雪幢幢佛殿金鑪烟
鹿苑柰花開滿前就中一樹最殊麗棠梨畔合成
雙妍花紅玉白眩香國雪膚丹頰眞天仙寺僧以
海棠接
頻婆果樹種之香色尤絕
頻婆果樹卽柰之別種也平生看花未曾飽何惜
銀鬢百回倒羨煞優曇深擁簾白頭僧向花中老
誰家繡轂吹香塵花叢接隊紅裙巡蝶醉鶯酣雜
語笑時見綠葉銜紅巾碧紗如烟隔窗影掩映花

枝出深靚繁華一夢狂英飛晚晚夕陽在西嶺五
塔寺前光氣多茶陵祠墓扃烟蘿幽尋更入廢園
去相約薰風來看荷

寺西爲真覺寺中有五塔李
西涯墓在畏吾邨去寺里許

次日復偕荇翁孝達官夫逸山麀伯味秋六
舟諸君過花之寺餞峴樵同孝達作孝達
以花事已過爲恨卽取其意調之

前日極樂寺中紅苞綠葉含火珠今日三官廟裏
殘香淡豔凋珊瑚人間萬事無躊躇春風一瞬形
神徂張子好游兼嗜書十日不出橫琴居招邀餞
客城南隅韋公舊寺重停車水亭柰樹今已無殿
前對峙雙錦株絳雲疊鬟玉作趺看花已晚成歎
吁回首紅萼梢頭初生小無人迴清臚颺風雖老

情有餘孝達詩以綠珠未墜終絕殊人生有酒連

百壺東寺西寺隨所驅檀槽玉笛紅氍毹果騮倒

載傾城姝綠韞監奴攜行廚新詩題徧鮮羅襦夕

陽醉索花影扶及時不樂胡爲乎我曹局瘵轅下

駒通塞雖異貧一涂流連光景多憂虞尋春作達

聊相娛西行萬里董大夫持君一觴花擁旗明年

隴首春何如莫忘今朝花下譽

晚飯於庭中槐陰下月影隔樹流光滿案因

以一詩寫之

攝疴不出門風定啟羅幔移牀就樹陰惜此小庭

晏誰語簷間親蛛絲花際亂韭菽出我廚言趁夕

時飯初月生槐間流光滿几案恍惚山中居松輝

落琴薦幽思無取盈卽景此焉眷碧雲天未來茶
香與心遠

爲伯寅題東堂喜雨圖二首

五雲捧詔領羣英閒向東堂品雨聲官燭搖銀香
燼落綠槐風裏斷茶笙

春疇水滿喜堪知報賽應宣供奉詞
時大內方禱雨想見滿堂鼾睡客垂簾據几獨聽時

再爲峴樵題秦宜亭所畫太華衝雪弟二圖

都下幾人畫山水錫山秦叟稱能工吮毫索價頗
自惜轆材曾被嘲凡庸一朝爲君拂絹素經營慘
澹天外峯玉蓮朵朵入雪色松根樵徑微能通金
天憫荒失奇氣靈泉百道凝瘖龍危橋盤磴何歷

落時見木末緣奚僮所恨點綴特正壑轉於側面
摹龍從天門虎豹不可上明星玉女誰爲容使君
峯距本孤抗欲排閭闔凌長風涼州不用美酒博
防秋乘障徒書功瑤樓高絕難再至觚棱曉夢瞻
瞳矐廷推秦隴易方面帝曰汝往臨西戎河湟烽
火斷右臂單車亟馳扼賊衝書生報國當在此探
奇覽勝奚稱雄氛祲盡嶽色見岷峨萬里青濛
濛長安僵臥一蟣蝨賦詩跌蕩長終窮

敬題文宗御畫馬石刻本賜伯寅侍郎上幅
有御書少陵詩雄姿逸態四句

嗚呼先皇神聖姿幾餘宸翰昭華夷偶然畫出渥
注種便覺世上無驊驪龍媒蹀躞自天下玉花垂

髦氣閒雅驕嘶寫取杜陵詩迴立俯視曹霸馬一
自御極風塵多歎沙浴鐵驅渡河禁中乙夜歎頗
牧披圖索駿將如何侍郎昔值承明日密疏薦材
頻造邾不煩赭白賦瑰辭常恐騏驎眼前失回首
龍髯已莫攀長憑賜墨想天閑昭陵石馬同靈異
氣象中興咫尺間

題峴樵玉泉院聽泉圖二首

院在華山下

乍試鳴騶入谷行
嶽池萬仞墮泉清
經房夜雪丹
鑪閉此是人間第一聲

石洞仙人臥冷霞

宮左有陳希夷石洞睡象

御風去訪玉妃家

不知絕頂春多少
流出明星萬點花

題伯寅藤陰老屋勘書圖

東吳治經藪惠氏爲適傳九經徧刪緝古義遂以

宣書勘梅傳僞易挾虞義偏折衷康成氏一掃性

理禪艮庭與古農高弟追淵騫人注復孔籀鉤沈

補唐賢嶽嶽褚員外士禮窮鑽摩力闢君善謬功

在賈

公彦圭

李如先齷齷王光祿墨守廿九篇挾去子

離蠹日星同回旋

西莊本嘉定人後居吳門其

尚書後案題曰東吳王氏學

鏗段大令許書頻絕編字必求達詁二徐破拘攣

蹟誼闢奧竅異文窮波沿

懋堂亦由金壇遷吳門

賴此六君

子孔書明千年錦帆一涇水遠與洙泗連英髦遂

踵起家自勤丹鉛校讎誰絕出黃顧傳尤專孝廉

富精槩百宋溢一廛文學稽四部思適顏齋榜所

詣皆卓絕宋後無齊肩務博似繇碎專門絕旁緣

讀書無家法何由致精堅筆縷始何氏義門文道彌

便便

陳氏景雲

懿維先太傅實師嘉定錢鼎原自小惠

百氏資綜銓紫陽老主講羣言匯其全君受祖庭
學闕幘分寒氈青雲致身早中秘窺琅嬛顧問備
法從啟沃居經筵大義述經法餘事刊烏焉精心
契鄭學名奩志拳拳藤陰一畝屋翠覆朱簷圓退
直下簾坐几席生清妍想見五官用雌黃滿青箋
紛紛謬悠說埽落如浮烟此圖卽禮堂綈帙羅花
前婀娜紅豆樹南北長便娟

輓周允臣戶部

文俞

二首

東閣傳經早含香侍玉京外郎三署轉

君以迴避歷補工部

主事刑部戶部員外郎

任子一官輕自足閨房玩羞爭閥閱

名彼哉誇食飾臨汝與安成

及我聯車笠相親獨過羣一言知什襲

君得余片紙隻字皆

臧去

十載愈殷動志業期孤子音容斷莫雲賜阡碑

未立淒絕又銘君

君乞余譔文勤公碑文尙未上石云

初夏偕宜亭峴樵香濤六舟甘伯逸山麀伯

諸君夜飲半舫醉後走筆作歌

一病經旬不能出減米量泉臥白日故人知我幽

憂多特借高談起廢疾小脈望館

伯寅臧書處

千卷書

古色濃薰花不如閒以彝鼎及壺杓朱簾一一垂

青疏坐客縱橫半舫好張生舌存尤絕倒其餘經

史多顓門拓碑作畫亦精妙清風習習生庭柯兩

筵對設傳叵羅沈酣不用主投轄玉缸早見橫星

河長安百司少暇隙計臣仰屋竭籌策潞沽水怪
奔支祁海國夷獠買人脂平時醉飽非偶然蜚鴻
千里無炊烟腐儒溝壑本素分車茵一吐誰非天
宋老旗亭門春酌招聽吳歌白翎雀戀此餘醺銀
燭光花外不知華月落

是日宋雪帆閣學招
飲酒樓以醉不得往

劉鐫山師招飲新齋偕孝達登新構北樓坐

話時四月晦日

絳帳新開地高樓啟夕晴一尊提月醉雙筵緒風
清樹密山容遠簾疏野色明紅塵應不到同數晚

鐘聲

師所居鄰
長椿寺

伯寅索和消夏六詠爲搨銘讀碑品泉

同錢論

印還研檢書走筆成長句答之

南齋侍郎今內相論思討古同精勤朝來打門走
急遞示我六詠如璆珍長安貴人競消夏涼臺曲
館沈香薰綵綵玉鴛釘奇果青蛾羅縠歌遏雲君
謂我意獨不介室中所有可具陳上者辛彝及乙
鼎齊黜宋洗犧象尊漢泉周印錯雜置沙南碣字
尤輪囷下者書研亦絕品古香觸手皆天芬細辨
名物補鄭注遠窮迹迹參籀文趙洪失色王薛沮
吾桂墨屎錢毛嗔朝回駐車輒閱市片瓦不惜錢
千緡貨郎倚擔與諧價騶卒持貂時質人麝螺萬
紙入瑤笈牙籤百部排錦純奚奴交喘客流汗炎
歔隔戶揚黃塵摸牀繞室獨竟日不持羽扇風常
春響榻時疑棋落子繙書不覺花堆茵偶烹茗茗

數晨夕塵尾一拂雲繽紛我慚貧兒不知賈琅嬛
欲入猶逡巡聞君過目已盡記五車一一胸中吞
舊臧悉入永嘉劫餘者所得猶兒孫頗冒荊州脫
手贈紫雲忼慨能消魂窶人衣珠不敢望底下亦
足張吾軍幾時煩君設寒具 令餓蠹聞奇芸

題伯寅所藏順治薦紳錄

章皇御宇十八載百官名簿猶留傳河間好事廣
文獻襲以錦韜函以檀覃谿梧門各攷索如摺經
史爭鉤元或據庶常殿辛丑或證西樵居學官互
相參訂決龍紀孝陵代嬗重光年朱公題詩阮公

跋蕙西長句尤精掣

錄本無歲月以庶吉士載至辛丑科張公玉書等十人又

王氏士祿時尙爲助教故翁法兩君皆決爲辛丑大興相國有題詩儀徵相國有跋邵氏懿辰長歌

尤侍郎古癖甚前哲得之不啻珍珠船竭來示我

發函讀官制半與明相沿我稽聖祖初繼極勳戚

備政頗自專復改殿閣爲三院學士稱大僅六員

又停御史出巡按盡畀督撫一事權此册殿閣輔

臣九聊城去位銜猶聯內外臺列按臣職姓名無

一留雕鐫援以定歲更知月實在夏季秋以前會考

典諸書順治十八年六月改殿閣大學士復爲內

三院省翰林院官七月定制每院滿漢大學士各

一員是年六月又罷各省巡按此册大學士尚有

九人皆以殿閣系銜翰林院尚有掌院學士胡兆

龍以下各官都察院及各省下皆尚列巡按銜而

無其人又聊城傅公以漸以是年四月予告回籍

此册大學士九人外尚有少保兼太子太保武英

殿大學士兵部尚書官銜一行而空其姓名攷之

則聊城故官也以此知祇惜涿州馮長揆席黑頭

必在是年五六月間通金文亦媼相貳臣傳裏徒

奄孽猶餘羶次輔吳江通金文亦媼相貳臣傳裏徒

埤顏一丞一令落嶺嶠清端忠毅名長懸

傅忠毅宏烈時

爲韶州同知于清端成龍時爲羅城縣

豈非爵秩本外事不因貴賤

分愚賢自茲迄今歲二百朝暮變滅如浮烟大者

勲節次文藝王詩汪筆今猶憐

王漁洋時爲揚州推官汪荅文時爲

戶部

郎中侍郎年位足展布論思所暇勤丹鉛澤州京

江特俛視

陳文貞張文貞時皆爲庶吉士

儀徵獻縣堪隨肩我喜

此書得所主願君局護同琅嬛蘭臺柱下藉搜補
他日千金購此編

和紱丈喜雪詩韻

閉戶經旬無好事天教快雪慰詩情望中樓殿千
門曉夢里江湖一艇橫鑪火自添重幔煖瓶花多
占小窗明須知上界神仙府不及先生杖底清

紱丈復賦一詩索和又賡答之

朝來雀巢凍枝垂正是晴窗日上時豈有風塵侵
冷巷自和冰雪寫新詩茶烟翠竹簾前色酒幔梅
花笛裏思便欲石湖陪嘯詠籃輦風帽事相宜

題潘星丈庚戌分校禮闈畫蘭三絕句

宮體紛紛逞意裁臨風無語獨裴回分明二十三
年恨曾向空山寫影來

隔簾逐隊聽琵琶孤絕琴心海上槎千朵白蓮香
一瓣鋪堂誰問趙昌花

欲折殷勤不自持蔚藍雲外寄相思天寒日莫瀟
湘遠更炙紅爐寫楚辭

爲清卿題金孝章

俊明

墨梅冊三絕句

世外春光不可論空山冰雪自消魂澹雲微月人

無寐獨許清風近墨君

孝章自號不寐道人畫中間雜藂竹

當年棄海賸寒枝鶴化春歸斷夢思

有自題一絕云孤山鶴化

應無迹靈谷春回亦斷香留得一枝寒影在年年憑仗領風光

一樣孤妍遺世意

水雲琴與霽山詩

瑤華又墮吳均宅鄭重江南驛使春絕憶靈巖寒

月夜影娥池畔弄珠人

此册清卿亂後所重得

歲晚讀書寄伯寅侍郎

窮居謀米鹽度日每如歲幼學事鉛槧又苦日易

逝鐙燼繫宵明窗旭趁朝霽大化無百年聖狂束

一例窮經有微得奇甘溢疏糲迂怪叢世尤踴躡

受天欽故人雲霞姿獨爲歲寒計樵蘇時續乏挹

注屢忘惠霄埃本殊形文字泯其際念茲品彙繇
至理實司契雞狸分效材裘蓑代爲帝巧勞容拙
安後至疾前蔽博鬚髻益高斲趾屢達戾世故日
糾紛澄觀持其敝是以古道交蟲沒互鏃礪達期
登治平窮不忘利濟方今履端近冲聖親斷制萬
物瞻出震卿雲粲以麗內相造辟言收行得次第
輕重貴審幾及時必割蕘積患在縱弛一事百牽
曳冗員塞牛毛所至成沴厲才者矜奔馳愚者安
玩愒首當覈名實謬說破調劑承旨冠禁林四海
仰獻替行見經術昌羣聾醒夢寢通塞雖睽涂行
藏各造詣春至蛭卉穌端筴我其筮

自題霞川老屋圖

我家世在城西居翰林吳君爲續圖長安塵沙正
眯眼突兀忽見先人廬二百年來有此屋東南斜

抱兩河曲

先宅本臨橫河後益南關遂俯直河

城邊緣樹萬家烟橋

畔朱樓百竿竹橫河北絕官瀆流烟波浩淼無春

秋鷗鳥四散不知處鳴榔往往聞漁舟直河西接

錢青水迤邐長流百餘里估帆日夜排檣來豔說

霞川一灣綺蓬萊驛路青風多連雲綽楔垂女蘿

會龍尙記前朝事

宋理宗潛龍事詳予所作會龍橋歌

臥虹不絕行

人歌

放翁詩行歌西郭虹橋市

先人辛苦一廛寄舊德清門子

孫庇規制樸陋無敢增宗族環居莫輕弃幼騎竹

馬攜短童東眷西眷隨所從鵝鴨時鬧比鄰塾紙

鳶閒趁陂塘風最憶讀書一弓地楊柳臨池瀆窗

翠擁卷隨時倚樹吟洗研呼僮捉魚戲我生三十
行遙燕滄海橫溢無愚賢馬蕃亦逐賈區盡桑柘
一例隨飛烟歸來城郭都非舊到岸牽船暫相就
新豐門巷何處尋安仁故第從誰售海燕年年繞
屋飛夢中圖畫是耶非多情惟有霞川水日望行
人萬里歸

癸酉人日立春賦詩懷故園曉湖慎齋杏泉
梅巖蓮伯五學博梅卿梅仙同年秋伊眉
叔子珍心雲諸子子宜及門

以下癸酉

夢裏不覺春風生開門雪止鵲噪晴門前華轂過
如水擁鑪獨聽茶鐺聲欲寄梅花無可折呵管題
詩寫愁絕春到江南一晌遲夢落山陰萬家雪

時聞

南中久早
晒雪甚切

山陰此日春光多滿城爆竹連笙歌邨

邨廟社聚雞酒處處春鐙圍綺羅廣文五君有同

好各占山城理清嘯莫嫌俸薄艱盤餐猶勝低頭

事年少胡家金玉眞友昆養親讀書情彌敦車裘

頗尙臨汝飾

梅卿好
飾與服

科第行署高陽門東皋娛園

盛賓客修竹風流繼遺迹燭花璀璨吟筵高明月

當空酒缸碧王郎悲歌窮益豪說經尤愛河南陶

子珍近肆
力漢學

孫生羸瘦亦嗜學出語往往驚其曹我

獨三年滯京國搗菜敲冰作春食急須報我草堂

詩讀向春風展顏色

爲伯寅侍郎題邵鐘拓本

邵鐘近出土名存失其器侍郎今呂薛吉金夙所

詰密與罰同製古文言作是反文詰字也密從刀

詈人元命苞謂以刀守詈詈亦從疑密從刀訓持刀

蓋取於此詰者禁也詰謂詈禁刑罰殊典錫鐘

八事第四行一字模粘或云疑分字八銘

其奄合四鑄玉鑄鼉鼓備第五行有四鑄四

鼓文即奄字或釋為縣者非銘從亨從鑄鑄四

也或云鑄即謹字非橫豎則縣象形可求義古

文作公今豎作公明象鐘懸甬上環形又與鏐訓

為精金禹貢鏐鐵銀鏐銘史記集解引鄭注黃

其美者謂之鏐說鉛鏐皆錯類鐘銘妻見鉛字廣


錯金涂也鏐錯銅鐵也玉篇周禮縣鐘磬半堵全

為肆卿大夫判縣二堵倍成四春官小胥王官縣

越縵堂詩初集

判縣鄭注判縣左之合又凡縣鐘磬半爲堵全
爲肆鄭注鐘一堵右一堵謂之肆諸侯之卿大夫
半天子之卿大夫西縣鐘大夫判縣之疏諸侯爲卿
夫亦僂判縣以天子西縣大夫判縣之疏諸侯爲卿
東也鄭賂晉侯歌鐘二肆是四堵矣此爲天子判縣
止有二肆也慈按二肆是四堵矣此爲天子判縣故
其奄有大磬謂之馨鑼器均可借爾雅釋樂大磬
四堵也大磬謂之馨鑼器均可借爾雅釋樂大磬
孫炎云馨高也又大管謂之簫通鑑注引孫炎云
聲大如叫呼也又大管謂之簫通鑑注引孫炎云
高也是皆取文器高聲也之義蓋簫皆後出字本字
皆祇作器說文器高聲也之義蓋簫皆後出字本字
我磬聲鄭箋磬玉磬也堂下諸縣與玉磬
之聲相依孔疏此異於常磬非石磬也
大鍾禮數盡優旣第五行至第六行文云昨董曾
云既壽鬯鬯宗廟灌獻之器也大鐘周禮儀禮謂之
庸也鬯鬯宗廟灌獻之器也大鐘周禮儀禮謂之
鍾詩爾雅謂之鏞胤同鼉鼓大鼓也靈臺詩云賁鼓
維鏞賁鼓不在縣堂下樂作則應之鼉鼓大鼓也
玉磬皆不在縣堂下樂作則應之鼉鼓大鼓也
鼓亦建而不懸卿大夫無鏞無玉磬則當僅有在
縣之棟鼓以昭殊賜耳用以樂先祖孝享傳永世
大鼓此皆以昭殊賜耳用以樂先祖孝享傳永世

第七行至第九行文云余不貳勞高狄乙倉亥樂

敢爲膏我以享孝樂我先祖以蕲眉壽子孫永以爲寶說文膏自用也从膏从自膏篆文作 (疑當

知作古一文凡切從音經義以音音義以以音音爲小爲篆皆小作音篆則音文則音則音則音是古是文爲古篆文文可矣玉篇

廣韻皆以膏爲庸之古文此作膏从卪省从又又
者手也取以手自用之意庸者功也言不敢自以

爲功也古狽我思畢公高文昭繼聖智三公作東

伯周召同倚畀本書正義王何以逮畢萬壙代之

著嗣周籍多散亡世本亦茫昧古物幸可辨文獻

或有覬得非公支子食采於郢地槩也紹厥封註

奸荷任使酬庸推先美鏗鏗寵廟祭咄咄小夷何

由膺殊賜無徵終弗信冥搜亦姑置兩樂羨不園

應律審銑執古鐘皆應律不作圜形故考工記此

鐘兩角酒削
合古制
甬文從蛹形帶篆象甬氣
考工記鐘
帶謂之篆

我曼台三持刀美
卷一

此鐘帶上俱刻作回形乃知謂之篆者取謹於龜同之文也編棧且勿論事合成周制圻會我豈敢論定君攸寄聊以資劇談非敢補雅記高齋箸錄餘帖以一如意

爲伯寅題建文鐵鎚拓本

推製勅周代齊人名終葵厥用本以木槌鎚皆異詞戰國始鑄鐵槍雷遂於資後世益沿誤傳之曰金鎚始見廣韻鎚爲追金義借以當鑿垂侍郎示臧器造自建文時三年十二月款識猶可推革除此物

獨不毀恭閔惠帝靈監茲嗚呼長陵逆亂古所稀方黃誤國誠難辭粉飾太平議干羽欲以尺組羈鱸鯢濟南鐵關危發機東昌萬矢蝟集旗毋使朕負殺叔父枉有盛庸平保兒當年鑄此將何施鈍

椎奚足當利錐鬼門抉竇不須此張良朱亥同兒
嬉御史七首露索衣曹國授戎先啟扉徒滋野史
荒唐語留擊徐州程濟碑

庭中新植竹數十竿梧柳各一本芭蕉兩本
夏夜坐其下待月上迎涼風賦此寄曉湖
春齋故山二首

陋室一弓地新種竹與梧荀苗既秀茁桐華亦榮
敷芭蕉二三本漸見清陰舒披襟坐其下微風來
徐徐崇朝苦暑汗俄頃都滌除時會皆遙然何況
物榮枯官貧喜得閒經年常抱書寸祿雖未沾一
飯飽有餘人生奚得喪昧者徒區區東鄰據八坐
日直承明廬西鄰兩持節旌旆爭南趨辛苦爲子

起終堂詩初集 卷十
孫光華誇路衢從君問所得何益千金軀

竹西月初上華雲留牆隈漸見柳梢際一片清光
來籬落亦可翫何必池與臺所惜無素心弄影同
徘徊山居自更好澗吹含松槐想見露下飲斜照
林陰杯無因致羽翼囊琴爲君開

送楊理菴檢討重典試湖南

楚南才爲天下雄文忠文正人中龍提挈羣賢霸
氛霧遂成一代中興功其餘彭左亦奇傑若羅若
李勇無敵一時驤首攀風雲生畫麒麟磨死埋血所
惜文教猶未昌剽竊理學成猖狂先詆陽明及許
鄭欲以學究升明堂甚者欲改六經制奮筆議禮
語尤恣後生佻達習大言塗抹以外無餘事依草

附木誠無尤妄校尉亦能封侯功名凌獵到學術
不持寸鐵爭伊周三載賓興國大典使者一雙帝
親選激揚風俗在此行舞袖回旋易爲善君承恩
眷尤獨偏三年兩使湘南天沅芷澧蘭拾不盡望
衡面面開紅蓮慈湖自昔講學地龍山藪山一脈
寄東鄰鄧縣西餘姚黃全文獻實職志薰風馬首
雙旌開文章爲國勤儲材兒曹鏖戰曲江捷北堂
高舉南山杯

君諸子就試浙江君將以試事畢回籍省親

孟鼎銘拓本爲伯寅侍郎賦二首

粲粲孟鼎銘

吳子苾閣學陳壽卿編修

考已備侍郎精古籀

抉擿無遺義我所三摩娑

尤在玟珒字銘文玟王三見玟王

一見俱左加玉字

於古無可徵請更對以意呂伋謚丁公

說文作玳誼丁癸本殷號周人始製諡偏旁隨事
增古蓋有斯例唐虞及三代以玉供神事大夫有
石室郊宗詳其制王公當用玉疑非起後世諡爲
作主用加玉所以志此乃真古文千鈞一髮系寄
語一孔儒橋舌莫詫異說文所引玳公蓋出左傳
微福於太公丁公句許氏

序言所稱左氏傳皆古文其所見作玳公也

所貴金石文爲可證故書佚事或扞獲小學猶其
餘茲鼎鄭重言宗周王命盂錫以鬯一卣黻冕車
旗俱邦司四百人僕馭至庶夫皆銘中語是當爲重臣

何以名泯如成王廿三祀銘末云唯王二十又三
祀以其文屢言文王武

王且據洪範稱祀此亦稱祀蓋周初尙沿
殷時之語則當爲成王廿三年無疑也警酒資

訔謨銘中有無敢醕等語初疑武之穆盂本可通邶左傳

邗晉應韓武之穆也漢書人表以邗侯與伯禽呂
伋同列五等邗後入晉爲邗邑亦作孟韓非子有
孟獻伯與叔向同時邗然此述王命豈容以國呼
卽今之山西孟縣也

又疑孟子借唐叔字子于然曰祖南公世系難強

誣銘中三僂乃祖南公班表有邗叔時地亦未殊人表又有邗叔在第

四等亦當成王之世其人又無攷傳會滋成愚祝雍與陶叔

一例同嗟吁大戴公冠禮云周公使祝雍祝王左

時而它無所見此孟亦其類也仰屋徒自笑秋風在庭梧

齊子仲姜鏹二首爲鄭奩賦同治初年出山

百七十二字首曰雀王五月初吉丁亥齊
經駸叔之孫適仲之子綰作子中姜寶鏹

我讀齊鏹文書闕乏左證獨取聖祚字古誼藉以

正親殉僂考妣从女疑非敬說文有祚字乃訓祀

司命此文兩皇祚配祖義相應文有曰皇祖聖叔

或曼堂詩切集

成惠叔皇祀又成惠姜俱从示作祀幸得三代物可與校長諍左傳

有聲姜公羊乃作聖聖聲字本通俱从耳能聽虎白

通聖者通也聲也風俗通附會不生國謚法未可

凭其國書謚法解云不生信聖之訓為睿義亦同善令

聖叔與聖姜茲文非假倩以此裨雅說博按儻非

病

齊景賜晏子邱殿鄙六十或謂即都昌先為丑父

邑本齊乘說此曰饒叔孫饒疑逢之別下述侯氏命錫

邑三百室其外邑又九加田進以律邱獨兼都鄙

古文猶可識文有云氏易之邑二百又九又

易即錫也此金文通例即邱字訓者比之異文

說文比古文作林此略變耳錫之邑二百又九十

者二百九十戶也左傳衛獻公賜公孫免餘邑六十

辭曰惟卿備百邑百邑者謂十室之邑百也百

邑則千室左傳晉景公賞中行桓子狄臣千室論
語所謂千室之邑千室其田萬晦晦一鍾則祿萬
鍾矣此大國之邑又九十如以邑數則倍上卿三
此云錫邑二百又九十如以邑數則倍上卿三不
既無此制且一國之地得邑幾何故知是以戶數
也又九邑者又錫以十室之邑九周禮司勛所謂
加田也至都鄙古者賜采地田與邑殊列卿田祿
者謂全邑也

萬鍾賦稟有定則邑乃出特賜置宰守宗祏用以

旌殊功歸老爲世及左傳公賜季友汶陽之田及

氏之費孟氏之成叔孫氏之邱臧氏之防鄭叔段

之京晉欒氏之曲沃趙氏之晉陽畢萬之魏衛孫

氏之戚齊管氏之小穀皆以功特賜邑爲世守置

宗廟盡食其境自設私宰臣其人民至戰國若田

文之薛甘茂之樗里皆是也逢丑父蓋以輦之功

賜邑於邱故盡有都鄙後賜晏子者或其鄙之餘
也
意者逢丑父惠叔名是易故云勞齊邦子孫食
其績文有云惠叔有刻畫頗曼患吾黨重蓋闕寶
書秦盡焚世本宋又絕徒衰好古心展玩三太息

潘紱庭丈以令子侍郎典試京兆賦紀恩述

懷二詩索和即次元韵奉呈二首

桃李長連玉樹榮

香山賀楊僕射致仕後楊侍郎門生合宴詩可憐玉樹連桃李

從古無如

文章佳氣重持衡笑他神慶誇三戟行

見春卿拜五更祖德親承天語獎

原唱有云祖庭清慎聖人知兩

度秋風玉尺持自注先文恭戊辰己亥兩主京兆

庭聞時勵素風清遙知

珠履新昌第預卜掄材致治平

愛吟紅藥九重知內制絲綸一手持

文官內閣牙侍讀最久

笏滿牀花下宴宮衣待漏月中詩即今退傅堂開

日何似郎君谷隱時此事韋平那敢望孫曾徧繞

萬年枝

原唱云怪底老夫衰更甚門前桃李是孫枝然侍郎丙辰戊午壬戌三科門下門生

已不少矣

題碩卿小像碩卿亦以無子買妾未遂故末

韵戲及之

投分京華十四年鳳麟才調自翩翩師門衣鉢今

誰嗣

謂崧甫宗伯師碩卿之世父也

祖武科名爾必傳

碩卿大父棣華先生

嘉慶壬戌會狀

夜燭閒情三瓦笛秋風香夢五湖船相看

一事同惆悵桃葉江頭思渺然

吳清卿編修

大澂

以手繪古器圖識屬題卽

送其視學秦隴二首

當代論金石潘

伯寅侍郎陳

壽卿編修

古癖推翰林誰繼起

吾子擅清才餘藝兼圖繪高齋足鼎壘讀書期有

用都趙等輿儻

百二秦關啓山河接隴涼至尊方側席大帥已平

羌忼慨登車始文章致治長此邦多古蹟餘事及
縑緗

秋日大風偕陳六舟謝麐伯陳逸山戶部張

研秋工部

兆鼎

出大通橋汎舟至三閘而回

逸山繪玉河秋泛圖以贈麐伯奉使山西
屬予題詩

玉河之水西山來西湖太液相滌洄東會潞河設
閘七建瓴之勢如轟雷神庾百億此津逮千夫轉
運萬緡費舟楫雖通不敢行徒供鷗鳬水中戲火
雲三伏天熾熾追涼逐隊驅城東綠沈西瓜玉乳
酪輕車怒馬行如風大通橋旁百肆集衝波萬道
濺飛雪游人擲錢羣兒爭出沒驚濤狎魚鼈我來

正值秋深時沿河十里無酒旗空舟三兩亂魚慘
紅闌黯澹搖寒漪謝公休沐理游屐陳子放生載

魚出

六舟喜放生故婁至其地

粵東二客皆好奇我亦茸衫挈

蠻榼西風颯颯吹榆楊蒼茫烟靄遙天長前朝廢

寺惟秋草公主墳園空夕陽

二閘有明代廣惠寺已廢又有福壽公主

墓

回舟忽入蘆花際蕭騷大有江南意相憐方麴

騎驢人何日魚菱作家計夕風轉勁不得留回車
買醉天街樓幸有畫圖長在眼明年相憶晉汾秋

重九後三日偕庭芷六舟逸山鄧獻之郎中

琛

飲城東夕照寺并餞麀伯督學山右酒

畢同游萬柳堂四首

又展重陽飲東郊策騎便路平知水近野曠得秋

偏遠樹因藏寺高城欲切天言尋磬聲去不覺入
林烟

蹋葉山門裏蕭閒衲子家講臺依翠竹禪榻映寒
花池小泉聲閤林疏塔影斜最憐秋柳外夕陽帶
歸雅

昔日平津館風流最可傳愛才賢相業行樂盛朝
年花木憑誰記樓臺盡作田荒池留一曲曾與照
華筵

畫篠明將發乘輶上太行河聲三晉壯日氣九邊
黃地險風猶古民貧學易荒澄清吾輩責話別莫
雲蒼

京邸冬夜讀書四首

日入夜氣定皓月當窗隅晷短課常紬難燭還讀書插架雖無多擇經頗有餘意專生默悟力猛忘前紆隨時理舊業道一無歧趨禮爲六藝本名物尤根株此事未剖析安足名爲儒所若乏記憶一密嫌百疏深思始知艱博搜乃愈殊亦或遇創獲孤怡慰積痛間復及百家流覽息我劬有生秉孤尙誰能惑他塗

庭樹葉盡落上承月與霜銀燭與相映內外通清光茶鑪養餘火風簾敞虛廊曠然無一物星斗在我旁遂覺肺腑瑩清新發文章嘯詠一俛仰天地相低昂豈不患飢餓明晨尙無糧此樂足予餉進修安其常霜厚宿鳥噤吾亦夢禮堂

街頭叫賣物果餌醅錫餠雜以乞兒呼月慘聲彌
高驅車忽雷動隱鱗一何驕上者走貴要次亦競
酒肴苦樂雖云別身心同其勞亦有就鐙火高視
羣兒曹搖頭誦帖括攘臂談風騷生死橐龔瞽吐
納儕儕蠮其間稍才俊大言益囂囂碑攤漢魏字
器列商周朝問以五經目茫然墮雲霄人憐不自
恧噉名忘中枵荏冉歲華逝姓氏吹枯蒿同有此
夜月萬竅爭謹號閉門不相聞凍竹風蕭蕭

昨日中旨下率錢修離宮讀詔私太息此舉宜從
容聖人秉純孝不暇權始終長樂樓百尺積慶花
千重取足天下養承歡良無窮四海幸平壹物力
猶未充島夷怙羣醜鼾睡長安中誠宜法文景勵

治威諸戎安可舍禁鑰危照甘泉烽臺疏閒一上
未得回宸衷賢傳造辟言主德本至聰豈不念民
瘼何難罷新豐事關國根本連章期諸公冗官未
食祿涕淚徒沾胸伏闕詎可效艸奏誰爲通負此
讀書力僅爭章句功漆室夜深議四顧無予同

潘星齋丈以新刻小鷗波館詩補集見眎率

題二首

石湖松雪不同時風雅中吳有主持鄧尉梅花三
百樹一齊香入侍郎詩

老輩吳

玉松太守程

春海侍郎

接迹難桐城

姚伯昂總憲

婁縣

張詩

舫尚書

迭登壇誤他落第羅昭諫也作貞元朝士看

集中附詩惟吳程姚張諸公予亦與其末

題黃岡鄧獻之詩集卽酬其見贈之作獻之

以蒲縣令改官入都者

黃州詩人晉陽吏十年宰縣乏生計苦吟每和蒲
鞭聲載酒時聯入山騎京官比屋無炊烟仰望守
令如登仙君獨胡爲解黃綬翻攜琴鶴棲寒氈竭
來示我好詩句別有風懷託毫素衣上猶飛句注
雲杖頭曾拂天池樹君嘗攝甯武令著
天池風葉等八詠長安寥落
無往還余亦經年常掩關相約結鄰枕書臥還支
手板看西山時與君有
同居之約

題布衣張跋民詩集

一飯尙艱難愁來把劍看文章貧後健天地布衣
寬莫效唐衢哭誰憐范叔寒朱弦勤拂拭爲遇賞

音彈

紱丈以雪後遣懷用予問疾箋中天教微疾
養維摩語賦絕句二章屬和卽依元韵卻
呈

攝靜焚香侍翠蛾謝庭佳事近如何料知萬頃梅
花海不及園林雪色多

琢罷珠璣一串詩烹茶煖酒事都宜多應已入吳
中畫風帽紅闌倚杖時

讀史感事二首

瀛海空環大九州覆碁全局幾時收河流東走魚
龍壯烽火西連鳥鼠秋臺築軒轅誰敢射圃觴穆
滿已難留被衣一睡渾閒事便解釣天萬古愁

黜陟山中豈與聞罪言諫草重紛紜將軍鐵券賒
三死大賈金錢異策勳已爲免冠憎汲黯徒傳請
劍出朱雲洛陽痛哭終何益輸與當年萬石君

癸酉除夕偕同里張孝仲舍人

錫申

史寶卿

同年

慈濟

寓齋守歲論學達旦因再用東

坡除夕寄段屯田韵示二君

我讀佛氏書論字分滿半儒家反不識伏獵貽笑
歎文章學俳優師友供狎玩淫聲益侏離大義日
破散入耽博奕戲出逐雞狗伴置身或廟堂遇事
同盍旦鈐尾聽吏胥俛首刮几案謬種束一轍馴
致釀大亂咎由昧六書昏睡怠沃盥所以宣聖言
正名豈容緩我老頗嗜學孤陋乏講貫幸爲麻中

蓬扶此達心懦竭澤慰羨魚伐山恣取炭二君今
舊雨歲寒適我館會計終年功煦嫗一室煖試看
廣長舌共鬥燭花粲

又疊前韻柬呂庭芷編修陳木夫主事

我聞行百里九十止者半前者一失足後人輒嘲
歎所以涉世艱跬步不可玩志苦誘每甘神凝光
易散獨寢求魂恬孤行畏影伴殘膏方戀鐙旭日
已戒旦嗟此桑榆陰起坐不離案積瘁苦健忘處
賤易拂亂所藉書味醲時時相饋盥舉世棄癡鈍
家人笑拘緩呂安我舊友承明滯華貫陳重厲風
義壁立氣不懦同度金門歲滿貯楮盆炭佛火分

佳兒

庭芷挈其第三郎居蕭寺

邨醪映孤館

木夫善飲寓雷陽館

不憂布

衾寒惟願大裘煖相勛崇晚節力作供薪粢

歲暮鄧獻之惠銀賦此東謝

廉泉一溢勸加餐頓覺春生苜蓿盤市上悲歌屠
狗絕袖中冰雪藐姑寒新交真摯如君少名士風
流作吏難聞說晉陽迎竹馬不容僵臥伴袁安

改官郎中而晉中大吏檄君還任故云

題燕子箋後二絕句

防亂虛將一揭誇伎堂終日按紅牙可憐火迫成
江令一載南都玉樹花

變相重登點將壇此才真似沒遮欄笑他浪子錢
紅豆同演明妃雉尾冠

題包棟爲秦宜亭畫杜蘭香小影二首

一謫人間幾歲年
畫圖猶怯玉襦寒
不知張碩何班品也服黃麟絳羽冠

何事青童又卻回
瀟湘清露落瓊瑰
嬴他乞相秦
淮海夸道明星枕上來

妻初授恭人誥命卽以爲五十之壽戲寄以詩二首

一封花誥下紅雲
暫慰齋鹽半世勤
削竹擬添新首飾
曳柴仍是舊襦裙
五旬不媿稱邱嫂
四品居然比郡君

唐制官四品者妻封郡君

腸斷二親都未見
虛銜天語待黃焚

遠典朝衫壽孟光
黔婁才老作貲郎
豈眞晚貴同翁子
且自齋居學太常
搔背牛衣終歲少
伸眉鸞

鏡一時忙待卿百艷稱觴日滿試花釵九樹妝

唐宋

命婦一品釵鈿皆九樹四品六樹

伯寅侍郎仍直南書房以詩柬之

喜聞天語與春回壓袖黃柑錫宴歸內署名言思
李絳外廷公論屬錢徽恩深階級何須較心繼承
明旨暫違又看宮花攜滿手宣陽里第靄春暉

伯寅招集夕照寺爲萬柳堂補柳索賦長歌

廉公好客今所無笙歌十隊紅氍毹疏齋松雪踞
上坐當筵一曲千明珠劉姬雙手白於玉笑折荷

花傾玉壺盛事風流久消歇遺跡滄桑向誰說四

百年後佳山興種柳名堂後先埒

馮文毅萬柳堂實非廉野雲舊

址嘉慶間山人朱野雲誤認爲一阮文達遂題曰元萬柳堂

仁皇御宇滇海平

詞科大舉羅羣英相公翹材啟東閣城東驛騎紛
將迎竹垞詞賦西河舌伽陵樂府湛園筆吐茵唾
地千萬言盧趙有知應失色庭前萬樹堆綠煙柳
花亂撲春酒船幾輩朱衣引騶唱兩行紅燭鬥新
篇平津老去朱履散佛火鐘魚一朝換幸逃馬廐
壞朱閤留得書樓映宸翰儀徵太傅重停車山人
補柳傳畫圖亭臺傾盡寺田鬻東風一二搖纖株
侍郎退食命儔侶載酒招提共延竚疏畦便插千
萬枝頃刻濃陰滿庭戶俯仰何勝興廢哀眼前無
數菜花開荒池水碧猶依舊更補新荷聽雨來

曉湖計偕入都留宿齋中二十餘日枉詩見

贈奉答二首

風濤萬里御征艫，差喜天涯見故人。升斗服官貧似舊，文章知己老逾真。千秋豫訂名山業，四海誰憂曲突薪。同是名場遲暮感，羨君奉檄爲娛親。

喜聞襍被款柴關，二仲連朝共往還。

謂牧莊寶卿兩君亦時過

信宿久客琴書成老伴，閉門風雨似深山。荒年蔬藪

粗相勞，別後詩篇待細刪。爲約同舟歸鏡曲，從君

北渚結三間。

君有廢園在宅南頗具水竹

題王廉生扇頭李香君小影三首

粉本南朝絕可憐，扇頭璧月尙嬋娟。清流何與人

間事花下長翻燕子箋。

今年廠市購得百子山樵元刻燕子箋

傾城一笑太情多，十斛明珠柰若何。畢竟秀才空

嫁與輸他一品顧橫波。

秋柳情深大道王掌中猶見舞時妝只憐曲裏桃花扇唐突當年鄭妥娘

送施均甫同年

補華

落第後夏中赴隴謁左

督相二首

匹馬臨洮去狼居正築臺關中天下險幕府一時才戰伐今初定風塵眼暫開受降城上月遲爾一徘徊

局促長安陌惟堪語蒯綏文章非本意科第待常流鞭影千山雨河聲六月秋此行詩更健邊調入涼州

閱舊唐書偶成四絕句

愛寫道龍前進士果然龍種屬文孫免遭僧舍郎

君辱自向毬場奪狀元

溫子八叉終落第祖生兩韻已成名由來曳白登
科慣那得登樓盡放卿

失笑當年王紹宗家貧聊作寫經傭得錢便絕人
間事老爲蓮花累卻儂

牆頭關節幾躊躇老作高人乞遂初贏得千秋諸
道士銘旌夸寫贈尙書

送同年王元掾

麟書

出宰江西

今日仕宦無所樂惟有宰縣殊不惡臺府供應雖
苦繇猶喜專城習民瘼上報天子俯循良下潤妻
孥免藜藿王君文譽垂卅年食貧經亂餘寒氈白
頭差幸得一第不與臺閣爭華妍江南西道浙鄰

地受牒尙書往作吏匡廬彭蠡天下奇手版徜徉
足快意槐花黃徧長安城紅荷十里環蓬瀛分曹
治具爲君餞吳兒勸酒彈金箏閒來走馬章臺側
燕子年年占花國杜秋漸老歌舞稀欲把黃金買
顏色柳枝未折西風愁盧溝曉月辭紅樓人生聚
散自有定一鞭遙指長空秋此去西湖時正好尊
葉大肥菱未老頗聞文字誇兒曹更博宮花媚蓬
葆李生作牧蠻荒中嘉興李宗庚子長時陳子彈
冠歌楚風仁和陳豪藍洲以勉持清白相贈答毋
令儒術長終窮

移寓保安寺街留別鐵門舊居二首

橫流誰是好家居到處牽船縱所如荷鍤隨時移

樹石束裝多半累圖書此身天地終何寄回首江湖夢亦虛只冀登真能拔宅不煩雞犬與驅除

南北飄蓬已十遷

予自乙丑南旋西郭故居已燬於賊凡兩遷龍山三

遷光相橋一遷新河辛未入都初寓打磨廠計十歲中十徙其居矣

句留桑下又三

年泓師頗識瓊杯破

鐵門有兵馬司署及文昌歌院向傳居者不利予門對司

署其鄰宅自歸安姚文僖居之後數十年鐵門限蓋欲喬松年河督修葺之題門額曰千年鐵門限蓋欲

爲久居識也然不兩年河督由倉場侍郎外授胡家玉左都繼之一年卽貶官同里如徐壽蘅侍郎

馬恩溥閣學皆居此甫逾三年徐丁憂馬智永虛誇出爲江蘇學政卽卒此皆三年中事也

鐵限穿偶有賓朋都簡寂小栽花竹漸便娟他時

坊里誰編錄一畝幽居定我傳

秋夜讀書卽事

筆牀茶竈暫安居滿地秋花蟋蟀初殘月半庭梧

影直風窗銀燭照翻書

寄懷陶文冲

濬宣

兼示孫生熹孫

吾鄉文獻數陶氏有明及今五百年名臣儒學代
輝映不特科第誇蟬嫣近來才彥更秀出三君同
歲情尤聯

謂仲彝少箕子纘三賢

君年最少共追逐副車一

落遲飛騫文章不受俗眼媚氣意旨讓他人先發
憤陳書互切礪上與揚馬爭媿妍學問愈進志愈
猛所攻輒洞無中堅卽論書法亦適美取骨兩魏
參唐賢方今世事日厖雜偵倒白黑迷方圓侏優
戴面侮周孔嫫瘤帶蝮驕施媚聾蟲自賞杳冥響
糞蛆吸盡芳華鮮語言稍異動遭斥何怪論事同
寒蟬都門廣奏百部伎九衢車馬馳閭填念奴新

聲久已絕崑崙樂器無人傳何來邊調雜西鄙音

噍氣促行蹁躑四座歡娛萬人醉和以亂櫝兼繇

絃時都中盛尚山西柳子腔其聲急促而纍演俗惡無一雅麴旦色有名萬人迷十三旦水上漂

者蕩褻萬狀朝我聞此曲輒憂歎得非哀靡尋師

涓耳目之玩尙如是深情古貌人誰憐君抱朱琴

且高臥天風寥落無成連東湖堰下富水竹僊山

一抹修睂蜨烏衣羣從半未仕共厲素業勤丹鉛

對牀圖史映花樹揮手珠玉盈千篇世家所重在

文學小兒朱紫徒紛然城南孫郎我舊侶盛年嗜

古同精專姚江望族本相匹岡頭澤底長延縣越中

世家惟陶堰陶氏與餘姚獨湖孫氏名德最著若山陰峽山之何後馬之周張樓之胡會稽道墟之

章蕭山長河之來以及新昌爲言感遇未足賦千

之呂餘姚之邵皆不及也

秋殆庶齊仔肩

謝文沖惠菊英佳茗

三千里外書頻寄水物山鮮乍滿前

時新拜惠食物

餐菊

豫知儲白石品茶應計乏清泉幾經陶令籬邊賞
新試樵青竹裏煎珍重清風相貺意近來詩句有
誰憐

貧甚炊將不繼戲賦一律

已絕平原乞米書何論仁祖與胡奴笑聽林雀喧
爭食靜看茶烟淡繞廚陶令飢驅何所詣賈逵人
事本來無澆花埽葉生涯了一卷黃庭自據梧

寄懷董峴樵觀察秦州并答其書問二首

持節西征擁碧油上邽秦蜀此襟喉花門十部新

編籍麥積千屯仰唱籌畫戟香凝金帳夜戍笳寒
報玉關秋伊吾取次風烟靜充國頻煩足老謀
三載長安隔酒尊故人多半擁高軒誰從擊筑歌
屠肆肯學彈箏候相門暨豔嫉邪終被黜劉蕡落
第孰俾冤清流眉目今誰是世事悠悠總莫論

涼秋月夜子縝邀聽歌者彈琴

涼宵初月妥花陰來聽虛堂一曲琴
宗宗簾櫳通綺語蕭蕭梧竹出清音
朱弦三歎孤將絕翠袖雙寒感易深
到處華鐙歌管地誰從松柏結同心

送子縝南還二首

歛然聲價出江東力守經師兩漢風
鄉國奇才如子少天涯落魄幾人同
猶遲待詔金門側

君試中書被落

近需次景
山教習

常共深談漆室中朝野恬熙吾輩老憑

誰上策定和戎

玉河秋色薊門烟翠黛離愁咽管絃羈旅中年難
作別文章孤唱更誰憐西風邨笛旗亭酒涼月夷
花海國船料得故園重九會登高相憶有新篇

題張子中同年行孚

荷鋤帶經圖兼送其赴

補淮揚

吾友張稚讓博學精天文君家靈憲術造化窮烟
煴維淵與太素累代傳專門君今繼家法推步高
疇人不喜西學幻愈覺周髀尊伊昔歲在午同舉

何份份黃君既老宿程生亦精勤

同年中如餘姚黃蔚農丈極精

算學著測地志要交食捷算五緯捷算共闡九章
方平儀象等書金華程徽卿亦爲此學

祕觚綫論續紛君識獨卓尔理晰祛詞煩長貧有
餘力端居羅典墳竭來不得意日下多風塵言就
鹽筴吏遵彼淮海濱示我荷鋤卷歌吟籬樹根道
場好山色蒼翠彌郊原太湖三萬頃半繞苕上邨
悠然坐苔石讀書忘朝昏比來秋正好晴天無片
雲禾稼大就穫木葉晞微曛仰觀星曜動俯聽蟲
鳥喧此樂可終老散帶時忘言題詩三太息微祿
寧救貧箸述吾豈敢相期事田園

雨止行花樹間有會而作

秋陰釀微雲疎雨自然止庭柯尙敷榮階草半含
蘖晴日忽滿簷鳥雀聲亦喜嬾嬾朱藤枝弱蔓漸
能起梧柳三兩株蔥翠各忘徙吾生無競營流行

盡天理萬物安其常滋培貴能俟顧此一畝間可
悟達生旨

得子鎮通州見懷詩卻寄

別來未十日忽得幾行書白水通州次黃花九月
初詩成還憶獨天遠漸愁予知下津沽去時時覓
鯉魚

董雲舫太守

麟

爲其祖霽堂翁追續撫膝肆

書圖翁精書法年七十餘尙時於膝上演
波掠之勢因以屬題

古人精一藝經營必慘澹所以事造極實飫非名
噉古籀旣代衰篆隸興以漸章草濫漢源法帖噓
晉燄唐初益講求爭工在戈點波磔本八分撇掠

無取寔先生究其散指法剖侈斂畫被布悉穿臨
池水盡黝貌此撫膝圖淵乎思若儼近世務高論
動欲二王揜變楷入篆形恂怙迷視覽妄或詡北
碑醜怪蹙頤頤無傷晉賢雅徒爲漢人玷君家守
先芬捧硯有餘感玉麟賞可思野鷺愛豈敢任彼
薑芽徒蜉蝣肆譏貶

手栽菊花數盆比日盛開欣然成詠

自課山經罷循階數瓦盆餘暄耽晚景秋色在閒
門偶亦成高詠時還近酒尊看花常獨笑此意與
誰論

紱庭丈辱和賞菊詩走筆成四絕句柬之

風流此老地行仙我亦桑榆近暮年安得五湖攜

手去詩情無限晚霞天

一年幾負看花約老圃商量到菊花爲埽青苔黃
葉地杖藜時過冷官家

蓉城久住秦淮海

謂宜老

蓬島新除宋侍郎

謂雪翁

猶

喜兩翁清似鵠白頭分占午橋莊

兼東星齋二丈

輕薄兒曹柰爾何老懷同調劇無多沈秋已老秦
青弱消遣年光一曲歌

題汪退谷先生書先六世祖天山府君鑑湖
垂釣圖記及退谷自作歌行後

達人蛻塵垢結情山水區我祖濟物懷平世鬱未
舒道高嬰衆忌學富成獨殊垂老得一第不曳時
相裾康熙盛朝彥文酒多怡娛每念釣游地久狎

JUN 5 - 2001

EAST ASIAN STUDIES

漁樵徒三山陸賀宅選勝據鏡湖巖壑相錯峙長
橋故縈紆蒼翠莫名狀烟雲時有無孤嶼出湖面
亭亭擢纖趺清流四迴映列岫長眉數歸隱終未
遂遐襟傳畫圖退谷老詩笈作歌散憂虞下潁今
盡失寢邱荒未居緬維舊德永家風異時趨湖棗
埭上路常與輕舟俱會當謝簪紱言就先人廬結
亭繞梧柳垂竿隱菰蒲

題子縝墨蘭

采采幽香遠欲聞鄭公書帶與縝紛虛堂客去風
來候繞壁尋詩總爲君

趙

越縵堂詩初集第十卷

南通馮

雄翰飛校

越縵堂詩初集
三 冊

版權所有

中華民國二十年十二月初版

每集定價大洋壹元伍角

外埠酌加運費匯費

著作者

李

慈

銘

發行人

王

上海寶山路五〇一號
雲

印刷所

商

上海商務印書館
寶山路

發行所

商

上海商務印書館
及各埠

